

Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 413
fax. +387 33 726 423
e-mail: info@voda.ba

Broj: UP-1/21-3-40-031-7/24
Datum: 16.04.2024 godine

«Agencija za vodno područje rijeke Save» Sarajevo rješavajući po zahtjevu pravnog lica "HODURNIK" d.o.o. Cazin za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije površinskog kopa i separacije "Šišići", grad Cazin, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi:

RJEŠENJE o vodnoj dozvoli

- Pravnom licu "HODURNIK" d.o.o. Čoralići 246, Cazin daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru eksploatacionog polja ležišta mineralne sirovine "Šišići" kod Čoralića, pogona za proizvodnju drobljenog i separiranog materijala koje se odvijaju na zemljištu okonturenom prelomnim tačkama:

Tačka	Y	X
1	5 570 505	4 984 455
2	5 570 673	4 984 475
3	5 570 650	4 984 592
4	5 570 531	4 984 517
5	5 570 531	4 984 517
6	5 570 517	4 984 505
7	5 570 465	4 984 514
8	5 570 457	4 984 441
9	5 570 505	4 984 455

ukupne površine 1,63 ha.

- Ova vodna dozvola se odnosi isključivo za aktivnost ispuštanja tehnoloških otpadnih voda i aktivnosti koje mogu imati specifične uticaje na vode, a potiču sa lokacije površinskog kopa-kamenolom definisane tačkom 1. ovog Rješenja.
- Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na prostoru pogona i postrojenja za preradu tehničkog građevinskog kamena, očitovanja o činjenicama bitnim za vođenje postupka dobivenim od podnosioca zahtjeva i pod sljedećim uslovima:
 - Da se upotreba i korištenje predmetnih objekata te način provođenja aktivnosti na eksploataciji mineralne sirovine vrši u skladu sa njihovom prirodom i namjenom te u skladu sa uslovima iz ove vodne dozvole.
 - Da se u periodu važenja ove vodne dozvole na terenu poštuju uslovi i ograničenja propisana Odlukom o zaštiti izvorišta vode za piće „Tahirovići“ – grad Cazin, objavljenom u Službenim novinama Grada Cazin br.1/20 od 06.01.2020. godine (u daljem tekstu Odluka).
 - Da se redovno provodi nadzorni monitoring negativnih efekata koji mogu biti prouzrokovani aktivnostima na bušenju i miniranju u procesu eksploatacije dolomita na kamenolomu Šišići i

provjera mogućih uticaja na infrastrukturne objekte i izvorište vode „Tahirovići“ na način da se periodično provode odgovarajuća geofizičko-seizmološka istraživanja u cilju definisanja bezbjedne geometrije i tehnologije bušenja i miniranja u funkciji zaštite navedenih objekata i uticaja prema gravitirajućoj urbanoj sredini od seizmičkog dejstva koje nastaje kao posljedica eksplozivnog razlaganja eksploziva prilikom izvođenja miniranja na površinskom kopu tehničkog kamena dolomita na kamenolomu „Šišići“.

- 3.4. Ukoliko operater vodovodnog sistema uoči promjene kvalitativno – kvantitativnog režima u smislu pogoršanja stanja na bunarima koji su u funkciji javnog vodosnabdijevanja i iste dokumentuje odgovarajućim dokazima, pravno lice „HODURNIK“ d.o.o. Čoralići 246 dužno je preispitati tehnologiju izvođenja bušaćih, minerskih i svih drugih radova vezanih za predmetni kompleks i iste izvoditi na način da se spriječe štetni uticaji.
- 3.5. Da se prilikom izvođenja bušaćih, minerskih i svih drugih radova na eksploataciji mineralne sirovine poštuju procesi opisani u tehničkoj dokumentaciji Glavni rudarski projekat eksploatacije dolomita na PK „Šišići“, grad Cazín (rudarsko tehnološki dio), urađen od firme Rudarsko projektovanje d.o.o. Tuzla, broj 291-131-II/24, februar 2024.
- 3.6. Da se objekti čija je svrha odvođenje i prečišćavanje onečišćenih voda (betonski taložnici, betonski i zemljani kanali i slivnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
- 3.7. Da se redovno vrši monitoring prečišćene otpadne vode iz okna za monitoring shodno članu 20. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20 i 1/24), te pojedinačne i zbirne godišnje izvještaje dostave Agenciji.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
- 3.8. Prečišćene oborinske onečišćene vode moraju ostati u maksimalno dopuštenim granicama definiranim Prilogom 27. Uredbe o uslovima ispuštanja otpadnih voda u okoliš i sisteme javne kanalizacije.
- 3.9. Ukoliko Vlada Unsko-sanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih Prilogom 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Da se na lokalitetu izvođenja radova nalazi samo oprema i mehanizacija koja se koristi za potrebe izvođenja radova.
- 3.12. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.13. Da se istrošena ulja, nauljene krpe, ambalaža, burad i sav opasan otpad koji će nastati na prostoru površinskog kopa, a u procesu održavanja mehanizacije, redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.14. U toku izvođenja radova kao i same eksploatacije iskopani materijal (mineralna sirovina dolomit i jalovina) ne smiju ni privremeno odlagati na česticu „vodno dobro“, odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine

Federacije BiH", broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH", broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog pogona za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa površinskog kopa sa betonomarom obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav 1. Zakona o vodama se daje sa rokom važenja od pet godina od pravosnažnosti ovog rješenja.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice "HODURNIK" d.o.o. Cazin obratilo se dana 18.01.2024. godine ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa na kojem se vrši eksploatacija i prerada mineralne sirovine dolomita, na lokalitetu „Šišići", općina Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A- Opšta dokumentacija:

- Kopija aktuelnog izvoda iz sudskog registra subjekta upisa "Hodurnik" doo Cazin, od 21.11.2023. godine, izdano od Općinskog suda Bihać.
- Kopija uvjerenja o poreznoj registraciji za „Hodurnik" doo Cazin od 10.10.2012. godine.
- Kopija uvjerenja o registraciji/upisu u Jedinstveni registar obveznika indirektnih poreza za „Hodurnik" d.o.o. Cazin, izdano od strane Uprave za indirektno – neizravno oporezivanje Banja Luka, broj: 04/1-17-1-UPJR/1-4018-2/13 od 14.05.2013. godine.
- Ovjerena kopija Zemljišnoknjižnog izvadka broj 020-0-NAR-24-000 177 za zemljišne čestice 1175/4, 1175/5, 1175/6.
- Ovjerena kopija Zemljišnoknjižnog izvadka broj 020-0-NAR-24-000 179 za zemljišne čestce 1176/1, 1209/1, 1211/1, 1213/1, 1214/4, 1177/2, 1209/7, 1209/8, 1209/9, 1177/3, 1177/4, 1176/2, 1177/5.
- Ovjerena kopija Zemljišnoknjižnog izvadka broj 020-0-NAR-24-000 178 za zemljišne čestce 1172 i 1173.
- Ovjerena kopija Zemljišnoknjižnog izvadka broj 020-0-NAR-24-000 176 za zemljišne čestce 1174/1, 1174/2, 1174/3.
- Ovjerena kopija Zemljišnoknjižnog izvadka broj 020-0-NAR-24-000 175 za zemljišne čestce 1175/1, 1175/2, 1214/1, 1230, 1231, 1214/5, 1214/6, 1214/6, 1214/7, 1214/8, 1214/9, 1214/10, 1214/11, 1214/12, 1214/13, 1175/3, 1175/7, 1214/14, 1214/15, 1214/16.

- Ovjerena kopija Zemljišnoknjižnog izvadka broj 020-0-NAR-24-000 174 za zemljišne čestce 1190, 1191, 1192, 1169/1, 1169/2, 1187/4, 1187/6, 1187/7, 1187/8, 1187/9, 1187/11, 1171/1, 1171/2, 1187/12, 1187/13.
- Kopija Rješenja broj 06-14-3867-UP-1/23 od 01.11.2023. godine kojim se odobrava eksploatacija mineralne sirovine dolomita unutar eksploatacione zone „Šišići“, donesen od Ministarstva privrede Unsko sanskog kantona.
- Kopija rješenja o vodnoj dozvoli broj UP-I/25-3-40-112-31/13 od 18.06.2020.
- Kopija zahtjeva za legalizaciju za poslovni objekat betonara upućen od strane pravnog lica „Hodurnik“ doo Cazin Službi za urbanizam, zaštitu okoliša i inspeksijske poslove Grada Cazina.
- Kopija rješenja Federalnog ministarstva okoliša i turizma broj UPI 05/2-02-19-5-31/22 od 24.10.2022. godine kojom utvrđuje da za predmetne aktivnosti nije potrebno dalje provođenje procjene uticaja na okoliš putem izrade Strudije uticaja na okoliš.
- Dokaz o uplaćenju federalnoj upravnoj pristojbi na zahtjev.
- Kopija ugovora o Koncesiji br. KU 063/2022 o eksploataciji dolomita na ležištu „Šišići“ kod Čoralića, Bihać juli 2022. godine.
- Dokaz o uplati posebnih troškova postupka.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-031-4/24 dana 19.03.2024. godine.

Odluka o zaštiti izvorišta vode za piće „Tahirovići“ – grad Cazin, objavljena je u Službenim novinama Grada Cazina br.1/20 od 06.01.2020. godine i njome su utvrđene četiri zone sanitarne zaštite, a površinski kop tehničkog kamena dolomita „Šišići“, se nalazi u IV zoni sanitarne zaštite.

Nakon provedenog ispitnog postupka konstatovalo se sljedeće:

Utvrđeno je da se površinski kop-kamenolom „Šišići“, na kome se vrši eksploatacija dolomita i koja je okonturena tačkama navedenim u tački 1. dispozitiva rješenja nalazi na prostoru IV zaštitne zone (zona sa preventivnim zabranama i ograničenjima) koja obuhvata područje od vanjske granice III zaštitne zone do granice hidrogeološkog sliva. U skladu sa članom 29. stav (1) alineja 9. Odluke na području IV zone sanitarne zaštite dopušta se uz standardne i dodatne mjere zaštite "podzemna i površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina". Za lokalitet definiran navedenim prijelomnim tačkama su u dispozitivu rješenja propisane standardne i dodatne mjere zaštite, a na osnovu dostavljene dokumentacije, na način da predmetna aktivnost ne utiče na kvalitativno – kvantitativni režim izvorišta.

U prilogu zahtjeva za izdavanje vodne dozvole, podnosilac je priložio, između ostalog, i Kopiju ugovora o Koncesiji br. KU 063/2022 o eksploataciji dolomita na ležištu „Šišići“ kod Čoralića, Bihać zaključenog 05.07.2022. godine između Ministarstva privrede Unsko – sanskog kantona kao koncesora i pravnog lica „Hodurnik“ d.o.o. Cazin kao Koncesionara kojim je dodijeljena koncesija za eksploataciju dolomita na ležištu „Šišići“ kod Čoralića na području Grada Cazina na period od 25 godina.

Ministarstva privrede Unsko – sanskog kantona donijelo je Rješenje kojim se odobrava eksploatacija mineralne sirovine dolomita unutar granica eksploatacionog polja „Šišići“ definiranog prelomnim tačkama čije su x-y koordinate navedene u tački 1. ovog rješenja.

Površinski kop-kamenolom „Šišići“, se sastoji od pogona za eksploataciju, proizvodnju drobljenog i separiranog materijala koji su u sklopu kamenoloma „Šišići“. Predmetni kompleks je lociran u blizini naselja Tahirovići, odnosno Šišići.

Osnovna djelatnost ovog pravnog subjekta je površinska eksploatacija mineralne sirovine dolomit, njeno drobljenje i separacija.

Prostoru eksploatacionog polja ležišta mineralne sirovine "Šišići" prilazi se lokalnom saobraćajnicom koja se koristi za interne potrebe.

Uvidom na licu mjesta utvrđene su slijedeće činjenice:

- kamenolom je aktivan od 2000. godine,
- godišnja eksploatacija zavisi od stanja na tržištu i po izjavi odgovornog lica iznosi za prošlu godinu oko 12.330 m³,
- u trenutku vršenja uviđaja na lokalitetu kamenoloma i separacije nije bilo nikakvih aktivnosti, a iste se obavljaju po potrebi u zavisnosti od potražnje agregata za dalju distribuciju i proizvodnju,
- u toku uviđaja stavljen je na uvid Glavni rudarski projekat eksploatacije dolomita na PK „Šišići“, grad Cazin (rudarsko tehnološki dio), urađen od firme Rudarsko projektovanje d.oo. Tuzla, broj 291-131-II/24, februar 2024.,
- površinske/ oborinske vode sa prostora kamenoloma se nekontrolisano odводе jednim dijelom prema bezimenom potoku koji oivičava parcelu sa istočne strane, a drugim dijelom vode otiču gravitaciono, prateći pristupni put i putem djelimično izgrađenog sistema za prikupljanje oborinskih voda dolaze do taložnika koji prihvata i oborinske vode sa platoa betonare,
- sva oborinska voda, voda iz procesa proizvodnje betona, voda od pranja vozila i voda sa manipulativnih prostora se slobodnim padom, bez slivnika i kanala odvodi u taložnik iz kojeg se voda koristi u procesu proizvodnje, a višak vode putem preljeva ispušta u potok,
- servisiranje i opravka kamiona, miksera i mehanizacije se vrši u centrali firme, u Čoralićima.

Izveštaji o izvršenim geofizičko-seizmološkim istraživanjima koji su bili na raspolaganju u toku vođenja postupka donošenja Rješenja o vodnoj dozvoli broj UP-I/25-3-40-112-31/13 od 18.06.2020 (najnoviji iz decembra 2019) urađeni u cilju definisanja bezbjedne geometrije i tehnologije bušenja i miniranja u funkciji zaštite objekata i gravitirajuće urbane sredine od seizmičkog dejstva koje nastaje kao posljedica eksplozivnog razlaganja eksploziva prilikom izvođenja masovnih miniranja na ovom lokalitetu. Kao jednu od kontrolnih tačaka su imali i tačku MM2 u blizini bunara izvorišta „Tahirovići“. Dobiveni rezultati su za seizmičko dejstvo, dejstvo zračnih udara i dejstvo buke u granicama prihvatljivih vrijednosti.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva "HODURNIK" d.o.o. Cazin, ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije površinskog kopa-kamenolom "Šišići", pogona za proizvodnju drobljenog i separiranog materijala te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM federalne administrativne takse, prema tarifnom broju 3. Tarife federalnih administrativnih taksi.

Voditelj postupka

Haris Ališehović, dipl.inž.grad.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.grad.

Dostaviti:

- «HODURNIK» d.o.o. Cazin, Čoralici bb, 77220 Cazin
- Sektor 50
- OISV - vodna knjiga,
- Sektor 40
- Oglasna ploča,